

HISBAH AKHLAK DALAM PENDIDIKAN ISLAM KE ARAH MEMPERKASAKAN REMAJA DI MALAYSIA

Oleh : Mardzelah Makhsin & Mohamad Fadhli bin Ilias

Abstrak

Hisbah ialah amalan refleksi dalam pendidikan Islam yang bertujuan membentuk kesedaran berakhlak terhadap kepatuhan *al-amr bi al-ma'ruf wa al-nahy 'an al-munkar*. Amalan refleksi hisbah amat penting dalam pembentukan akhlak mulia sebagaimana yang dihasratkan dalam Falsafah Pendidikan Kebangsaan dan Falsafah Pendidikan Islam. Amalan ini juga merupakan alternatif dalam menangani gejala kemerosotan akhlak remaja yang menghadapi krisis identiti diri dan terlibat kegiatan jenayah. Bagi mengatasi gejala ini, golongan remaja seharusnya disedarkan bahawa mereka perlu membina sahsiah diri dan akhlak yang baik supaya mereka dapat melepasi krisis identiti diri yang dialami ketika usia remaja. Sehubungan itu, amalan hisbah dalam Pendidikan Islam adalah mekanisme kawalan berakhlak yang berupaya memperkasakan remaja dengan kepatuhan terhadap *al-amr bi al-ma'ruf wa al-nahy 'an al-munkar*.

Kata kunci : Hisbah, *al-amr bi al-ma'ruf wa al-nahy 'an al-munkar*; AKhlak; Pendidikan Islam; Remaja.